

PEMBERITAHU PERTANYAAN DEWAN RAKYAT

PERTANYAAN : LISAN

**DARIPADA : YB DR. AZMAN BIN ISMAIL
(KUALA KEDAH)**

**TARIKH : 26.5.2016
(KHAMIS)**

SOALAN:

Minta MENTERI PERTAHANAN menyatakan tentang penglibatan Malaysia di dalam latihan tentera di Arab Saudi. Apa sebenarnya kepentingan Malaysia di dalam latihan tersebut.

JAWAPAN:

Tuan Yang di-Pertua,

Penglibatan Angkatan Tentera Malaysia (ATM) di dalam latihan ketenteraan di Arab Saudi tersebut adalah atas jemputan oleh Kerajaan Arab Saudi. Latihan ini telah melibatkan penyertaan dari 20 buah negara di kawasan latihan Hafar Al Batin dan Tabuk di Wilayah Utara Arab Saudi. Trup ATM yang terlibat adalah trup yang sedia ada di Arab Saudi bagi menjalankan misi evakuasi baki rakyat Malaysia di Yaman.

Melalui latihan tersebut, trup ATM telah dapat menimba pengalaman latihan ketenteraan dalam suasana yang amat berlainan dengan di Malaysia. Justeru, penyertaan ATM dalam latihan ini pastinya memberi manfaat yang besar dan pengalaman yang amat berguna serta turut dapat mengeratkan lagi hubungan baik yang sedia terjalin di antara Malaysia dan Arab Saudi.